

採風詩二集卷四

海州 國風書 六博圖 美善堂 湯國泰 仁由

辛酉五月二十四將往淮陰謀刊采風二集路過東

柘塘適遇捻匪之亂晚宿胸城姜體齋朝元孝廉

書齋僑寓六日感懷留贈

擬上淮陰刊續編忽來捻匪弄兵權逢村縱火民遭劫負

毋攜兒路欲填捻子一萬六千人是日午刻余甫過東柘塘馬隊隔二里許忽又退回遙見火光房

山四面烟焰冲天俄聞房山已破避誰肯丹心除國賊

兵男女眾如歸市恨不覺聞俱浪我憑赤膽冒烽烟家鄉迴首干戈裏有命存焉不問天兵過

採風詩二集卷四

回牛山傳聞馬隊亦到吾村賊云此村必有好人我輩不可火其廬遂去殺東柘塘二十人燒房數十間擄掠房山

當典油坊店鋪一空咸庚源遂匪為賊大開腔而死戚濱

源哲嗣被擄去輩訓齊哲嗣亦死之由是蹂躪上方新垣

破南城石龍光都闕陣亡破中正板浦許杭被擄許蘇朱

小患並秀才約死十八人其他不計數矣遂擄大伊山新

安鎮南去故里重來步不停家山有意向吾青小時遊釣常通夢此

日鴻泥幸又經未免桑榆憐晚景豈惟朋輩感晨星憶自道光

九年石室聯吟舊雨漸次凋零倭指僅存數人惆悵奚似登堂令我還思舊海上於今

少典型尊甫佐武文林郎厚德已詳初集卷一挽章中相國栢菴有善著海濱四字匾額暮年師弟誼逾親樽酒論文意氣真余初度七十有五白體齋亦五十有八白

首重逢流寇日。青山常憶讀書辰。計體齋家山從遊時辰轉瞬四十餘年矣。金

鎔鼎鼐才同寶。綱漏珊瑚品自珍。疊厠春闈荐而未售。我尚浪遊爾

家食可能俱是不如人。用羅隱句。

三刀吉夢待乘時。欽加刺史銜。且養心腸父母慈。兵法練團纂

諸葛。姜維體齋時。司西門練勇。聖宮修葺賴奚斯。督修聖宮之明年即舉孝廉未必非

聖人在天之靈。賦為相之也。今朝梓里推人望。他日蒼生託命期。堪羨

膝前佳子弟。石麟頭角好丰姿。昔嗣有珍宵九齡極聰慧。合弟朝林兩哲嗣亦英敏。

喜可

情文相生語語真摯秦文伯字字從性情流出詩之足以感人者梁小峯

採風詩二集 卷四

亂後重過上坊新壩南城板浦卽事

人血飛紅上海棠。刀兵過處哭聲長。憐他白骨橫斜照。訝

到盧龍古戰場。

馬隊紛馳火燎空。斷流屍塞滿河中。五月廿五賊至上坊馬隊前驅放火。傷

心忍聽耶娘叫。水面浮沉幾稚童。是時避兵老幼不一而足無地藏躲齊跳河中。

水中呼耶叫娘童子耳不忍聞。

倚牆圍席幾人家。亂後荒涼景象差。蒿目鳳凰城外野。海

仙紅放戰場花。南城名鳳凰城賈似道所築。

花天月地昔曾誇。陳雲伯板浦行有譽。簫管歌聲徹夜譁。誰

料紅羊遭火劫。城門殃及到漁家。故浦爲票商會集之區。我輩寒儒積書充棟。痛

爲拋毀鋪地作禱。甚至掛作恭紙。其罪孽過於神龍矣。

音節蒼涼。不忍卒讀。秦又伯兵燹之慘。至於此極。匪惟目不忍見。抑亦耳不忍聞。梁小廉

杭州紀變 披瑞將軍 兼弔杭城貞烈婦女

偶閱梅叔居士剛潤張君秋浦理問蘇杭紀變述略。衍爲長歌。蓋張君官於蘇者三十年矣。身當其變。其子需次武林。城陷後七日。縋而出。故於兩地。見聞最確云。

採風詩二集 卷四

黃帝用兵。爭先着執斧。不伐將來賊。熒熒不救火。炎炎勢必岷。岡焚玉石庸。臣制人昧先。發倉猝。又無決勝策。惟有鼠竄作騎豬。深痛病民誤家。國君不見十年二月廿七日。湖州粵寇來。廣德勢若吞舟海。長鯨克鋒。遍野誰能攬。

不有副將曾公亮。吳暉克復誰保障。時副將曾秉忠自常州帶長龍船兵赴援。

湖州賴以克復。宋仁宗時曾公亮知鄭州。俗淳厚。夜不閉戶。賊更移兵破安孝。安吉孝豐湖州

二蹂躪餘杭。杭州民無告。賴有廉訪段光清。書生才不慚。

方召。浙江按察使段光清赴餘杭防堵。誰料賊復竄西湖。賊陷安孝。更攬

三百人由餘杭山徑入西湖中。耽耽視若虎。負嵎杭城晝閉人。無措各想

皇家

登天恨無路。雖有援兵挫。賊鋒尾大不掉。誰能顧。無端禍
由誰人起。城頭擲火。民房燬。焦頭爛額。死傷多。所帶兵勇
律無紀。擄掠奸淫。不可言。紛紛稟告。都不理。因之民利屠
兵勇。勇思警報。城門啟。各紫紅巾。呼殺人。恰值屠腸支解
死可憐。無能數。大吏半作新鬼。半逃避。國家豢養恩。莫
償生靈塗炭遺禍殃。古人背城。尚一戰。何至有兵氣不揚。
吁嗟乎。城中貞烈多。婦女俱為賊辱死。何苦竹罄南山不
勝書。傷哉。漚沒同草腐。却喜擎天有一柱。不愧

臣心。齊內城中有大將軍。誓與危城共死生。八廟風霜全
採風詩二集 卷四 四

正氣老謀忠勇詳。且精不惟力。堅恩克復。雖千萬人。吾往
滅。援兵况有古張良。鎗紡兩工兵。皆強同心。同力拚血戰。
如摧枯朽。誰能當。張玉良又自湖州至錫箔工織機工多
人皆充隊伍會劉上巳日克復詩載前
卷 杭州今幸干戈息。瑞公之功高。無敵江頭殘孽未盡殘。
公敬警枕。眠未安。待看圖公麟閣上。籌邊不羨古富韓。

極寫將軍勇烈不愧鐵中錚錚梁小廉
大筆如椽英氣勃然足驚風雨而泣鬼神徐聘卿

蘇州紀變 弔張總統殿臣 國梁 軍門殉節 追贈太

子太保 兼弔徐君青中丞 有壬 合家遇害

姑蘇不到十餘春。詩朋濶別冷吟魂。無端風鶴傳來警。金

我慷慨歌吳門。吳門昔當全盛日。廟貌巍巍瞻泰伯。不惟

笛聽館娃聲。傳響屨三瑞堂。下芝麥生。四照亭前花竹植。

徘徊仲瑛草堂。留連范公義宅。古迹堪尋。筆難盡述。一朝

烏合來紅巾。蒼茫殺氣太湖濱。十年三月府城失。十三日

江南諸郡皆汨沒。滄桑轉盼俄變遷。我欲問渡愁無船。偶

閱張君紀變略。衍為七古垂新編。君不見亡身貨殖何不

仁。第一誤國果何人。餉銀每月卅餘萬。聚金卒歸死於金。

吞餉餉銀。惜哉張遼大將才。事不可為死堪哀。三月二十

卒吞金死。惜哉張遼大將才。事不可為死堪哀。三月二十

壩失寸灤水。深陽句容皆陷。深陽令尙雲章死之。閏三月

十五金陵。大營兵潰。賊自句容至。張殿臣退守丹陽。兵勇

採風詩二集 卷四

五

先放火遁於是一百十四營同時潰散。二十七丹陽陷。縣

令死之。張殿臣城外投河死。二十八九日賊抵奔牛。鎮

奮勇不顧身。七尺裏瘡立破陣。千回孤掌難鳴悲掣肘。為

國為民人知否。天使東藩隕將星。紫微垣東藩有上將

三軍痛哭羣泥首。向使天命從雄心。那容猖狂到豺狗。縱

有鄰省兵助剿。浙江新巡撫王公有。糧臺有銀可戰守。時

臺存銀六十餘萬。其奈懦夫難作帥。一聞風鶴膽即碎。帶兵欲逃

竟無路。路人唾罵佯不顧。是時孟夏月初四。常州逃勇姑

蘇至。城外放火屠民廬。府城旋陷遭毒害。十二日賊抵城

十二日。合家殉節徐巡撫。同殉惟有慶參府。中軍食

君之祿不忘。君可憐。捨身能義取。獨怪賊破城。何易此中有。

故可詳記。四月初旬。張玉良遣叔副將張朝綱帶兵至蘇。

招潰勇。誤爲團練勇所傷。故致蘇爲復讐計。開門納賊多。

奸細。城欲放大礮。而火門皆釘閉。吁嗟乎大江而南。都郡。

縣何無一人能敢戰。忍視祖廟燬賊鋒。忍令妻孥難患。

幾多食毛踐土。偷身亡家破財灰塵。貞閨赴義憐媿。湮。

沒不彰。難紀名。我作紀事。一憑弔願。爲厲鬼滅妖氛。

寫誤國殃民之臣。直欲唾壺擊碎。再觀殉烈二公大節。愈贊與日月爭光。梁小廉。

蘇杭紀變二作。褒忠貶佞。痛快沉雄。實爲詩史言之者。無罪間之者。足以戒集中銜製也。秦文伯。

採風詩二集卷四

六

酣暢淋漓。生氣滿紙。直奪少陵之席。徐聘別。

過山寺

磴磴崖根百級長。忽聽鐘打夕陽黃。人來樹底衫都碧。花。

放峯頭雲亦香。亂灑明珠穿石水。高搖綠字化龍簞。蒲團。

却羨僧閒坐。不管人閒日月忙。

恬淡中有渾厚之氣。此大家所以勝於名家。許寶謙注。頌聯神骨俱秀。梁小廉。

題王心梅司馬長治二十二年。前舊照照爲鋤月種。

梅

心梅先生幽都英。宛平尙書太保承家聲。王崇簡禮部尙書。太子太保爲。

物耳名未識先生面却於圖書清光親展圖幸觀華年齒
擲果盈車冠玉喜自是雲階月殿人不是田間荷鋤子挑
燈繙閱類細玩乃是道光已亥先生自題誤前後相距二
十有二年未免人事滄桑感遷變惟有梅花天地心年年
首荷東皇眷今我已爲幹國臣佐理周召布宣旬公現任布
政日盈庫廳方伯爲王公直使庫款日充盈滅此朝食清
雨山制軍兼攝漕河兩帥妖氛故我猶憶樹人志當時借梅寫深致泥以種梅非君
意卽不種梅神常契畫師却爲留鴻跡開到梅花天地白
花影落身沾衣香當頭忽覩前身月開攜鴉嘴種梅花好

採風詩二集

卷四

七

與松竹盟三益彩香畚不借園丁笑剛伴我修幾生午夜
金波澆似水琉璃炯白鬪如銀孤山寫出通仙景香浮寶
鴨共氤氳我更請君像圖兩補出我我今昔像今昔直同
一瞬看勿忘初志思疇曩我我不誤兩周旋從古嫦娥愛
少年豈特宦途如啖蔗和羹還試手梅鹽施注蘇詩引殷浩傳作我與我
周旋二者必有一誤
洋洋灑灑大筆淋漓許寶謙注

阜甯題沈樂山

景仁

博士丹桂小照

君本天馬才倜儻渥洼種負圖獻

聖人一籟青雲聳凡

馬皮相多驂駟誰接踵。昨貽瑤華書。直破胸魂爽。健筆搖
岱嶽。揮毫刷關隴。夜讀挑佛燈。時寓三如來聽而悚。何不
化龍飛。猶養鳳毛氎。倘賦梅奪袍。袞補贊端拱。

示我秋桂圖。藉知君深意。士生三代後。進身憑文藝。抵掌
得功名。士羞爲此事。英雄八穀中。名列英雄記。所以羅江
東。無名在落第。攀桂步蟾宮。嫦娥面終會。守拙待秋風。且
平抑鬱氣。面壁不窺園。時勵遠模志。

學人會功名。不是圖溫飽。胸藏數大事。事未吾輩了。枯腸
轉飢雷。一嘯聳天曉。君父恩未酬。此身慮將老。白日易

採風詩二集

卷四

八

西沉。未頽易周樁。四十况專城。強仕胡不早。身貴揚親名。
不獨抒懷抱。所以折桂香。如擷科名草。

志士有心賞。庸流多罔覺。我爲展君圖。獨得君心曲。亦如
愛竹人。不可日無竹。茂叔獨愛蓮。淵明獨愛菊。大有真意
存。不必泥花木。君築一畝宮。繞廬丹桂馥。無桂作桂觀。有
桂情更樂。直以意造形。無刻不在目。譬如思父母。形容常
目矚。桂况月中種。花時香到屋。人如月中居。書伴嫦娥讀。
金粟影中人。拈花學我佛。當他于佛經。雁塔題名錄。隔年
簪杏花餅。更紅綾。嚙世間大丈夫。舍此無路入。得權道乃

行不負生平學上使世唐虞下使民命託仁爲己在心豈
不快然足喜極一長歌鄭重爲君勗

顧我童牙時塗鴉學屈宋虛名盛詞章慚媿到衾夢作馬
債未完奔走猶遠縱胸羅濟時心雕蟲恥無用江湖廊
廟憂無成堪兩慟謬竊春秋書袞鉞好音嘆勸人無邪思
不敢風月弄對君擁書城蹉跎悔絃誦行將學漢陰晨夕
抱汲甕

賜題賤照謹獻里言卽次見贈韵申謝何當杜老大文章真令鯁生喜欲狂什襲示將珍手跡步趨常此熱心香深情有感中秋日佳日剛流上已觴寒儉愧無瓊玖報私衷惟祝壽如岡晚學沈景卒識

採風詩二集

卷四

九

五章各盡其能浣花正宗許寶謙注

阜甯留贈釐局黃立臺

程直太守

敵怨未埽逋誅佚海宇安得有甯日

南史范泰云百年逋寇庖子山賀平郡表

百年逋誅

遂窮巢穴頻年蹂躪苦生靈王粲登樓空太息射湖今日

訪友生鴻爪重尋海上痕連朝霖雨阻客程春宵不耐樓

頭聽沽酒掃愁揮醉墨牢騷寫出皆商聲猛然眉開變作

喜呈大有意吾知矣江干殘孽尙披猖特遣雨師兵甲洗

洗清兵甲澄清見籌軍何人能督戰血戰方能劫運除所

貴心兵先自練見人不見誠則明知人不知謀乃神

淮南子爲

將我持此見觀將帥天下英雄會幾輩耳名忽羨黃少保
綺年韜略精稽考中樞能持帷幄權下馬慣作飛檄藁號
令一叱馳風建威名三春應上少保知木草往者灘灌二水在廣西
來鱷魚橫啣赤子無完膚於毀多少前朝廟土焦幾處村
成墟捻子乘勢亦豪舉烏合數萬弄兵旅一夫攘臂禍蔓
延居然羣狐威假虎得隴望蜀學巴蛇到頭終看魚游釜
至尊怒典黃帝兵拜將登壇授鉞斧罪人誓得斬應黃帝蚩尤
只虞轉粟空倉庾

帝心簡在司釐抽知公會計才鄭侯公承

採風詩二集卷四

十

帝命來黃浦萬眾傾心咸歌舞正恐父兄辱我仇正恐祖廟灰
楚炬巢覆豈保卵能完肉誰不欲養妖虜四民助餉充橐
囊唱籌不必沙夜量士飽軍歡同用命破陣喜聽我兵揚
相期甲銷伍散歸耕隴稻梁同藝雙親嘗臨雍酬庸闔
啟公與大帥勳同比量功晉佚不次遷豈特黃堂馬擁紫
我作大凱賀承平日月共載

堯天喜

行氣則瀏漓頓挫序事則曲折分明可謂毫髮無憾矣
小廉
句奇語重筆筆有稜許寶謙注

翻然解響細清風兩袖垂空囊我輩食德難爲償聯吟恭

送馮文章聽罷口碑肅然起如讀漢吏傳循良我生見獵

心輒喜驪歌七字吟何狂聞公虛心愛君子手培玉笋今

修篁公會植竹書晚知公愛才如性命不以資格拘尋常却恨春

風蓮座上猶幸山斗瞻景行想見謠吟愛韓柳公餘脫稿

凌三唐幹材惜未量玉尺不然璞琢成圭璋問太守兮家

具惟琴鶴與書箱壯行色兮何物添詩草兮束裝滿天下

兮廣譽留遺愛兮甘棠祝長生兮到婦孺異無實兮碑林

立於道旁送數百里兮攀留遮道取一大錢兮聊助春糧

採風詩二集

卷四

三

路出必經盧龍塞觸體風滾古戰場關前必過姜女廟是

貞烈婦振夫綱昔來所經今重過應有大篇歌煌煌出雄

關兮山海仰峻極兮鷗鳳鷗鷗鳳凰舊時山月兮瞻皎皎

望鄉樹兮喜洋洋兒孫團聚兮合家歡樂親友存問兮情

話豆觴蒔松菊兮盤桓閱岩耕兮徜徉歸田之樂樂無疆

此外皆等浮雲望丈夫本懷不忘世行藏還須學素王是

時妖八尙未熄國警憤切誅豺狼况乎

天子

老臣眷那容謝傅東山藏方叔元老猷更壯廉頗諱老才

尤強尙遣公握中權柄福力保障如城長運心攻心岳武

穆陰符不祖太公姜先發制人城衆志何至憂潰養癰瘡

王師下掃惡氛滅狐兔盡斃蛟螭僵捷書飛報

天顏喜錫爵偉烈鐘鼎彰我更揮毫作露布

堯天同戴重輪光

行神如空行氣如虹梁小廉
洋洋大篇黃河之水天上來以古文爲古歌道是雕蟲
小技吾不謂然哀梅溪

晚投村店

石湖詩品
筆山

誰家燈火逗柴門一棧長途信馬奔明月鐘敲僧到寺語

採風詩二集卷四

古

楊堤繞烏歸村水田似罽新秧插沙嶺如山暝色屯犬吠

前頭知楚店且沽濁酒悒吟魂

沖淡似錢劉江才卿
是晚唐人風味梁小廉

江甯烈士張邠原繼庚事洩遇害

邠原廩生爲人抗慨好義壬子冬由湖南遠募歸

癸丑春正月南京戒嚴有勸公偕老母出者公不

願城破百計思復仇與僞官僞兵密謀歸順我

朝冒險出重圍者再軍門延以上座出血與盟潛

與以翎頂數十盛竹筒入無人知之者嗣同謀者

筆髮生朝
梁小廉

暗約萬人其時軍門數提兵至城下內應人將私
出或爲雨阻或爲換門軍而誤嗚乎城之不復豈
非天哉謀泄被擒公挺身直認嚴刑拷訊卒不吐
一眞党羽而賊中最惡者公訊時証定指以是某
某賊遂殺賊數百日後賊知其情重刑再拷毛髮
皮肉殆盡公始終無一言嗚乎忠肝鐵石雖古之
烈士不是過也向軍門聞其死痛哭入奏有
卹典公無妻子家室不知何日城始復而建公專
祠也吾聞之寶應家印卿品三諸生云

採風詩二集卷四

五

英雄成敗那須論只在區區志可憑報

主有
心堅鐵石粉身無計復金陵憐他百遍嚴刑酷令我千尋
怒氣蒸今日江頭東逝水亂流聲是恨遺騰

祖龍不死荆卿死乃嘆人生命在天此策若行應寇翦眞
情不漏免林連蜀山力乏蛇難拔滄海冤沉烏莫填何日
六朝城始復專祠定結火香緣

沈痛語寫出烈士肝膽秦文伯注

王烈女

十一年五月二十四日

王烈女年十八秉性剛視躬潔閨閣可傳規家法王家冲

生氣稟凜
貞魂得此
可以不朽
梁小廉

村名裏名門。殊祖名朝相。父鶴書誰料。辛酉夏五月。捻子西來。橫擄掠女時。避兵上坊東。目逆而送。適遇賊欲挾上馬。成婚匹女云。妾是良家女。賊子何人敢亂語。路人勸女從。得生女罵愈厲。血口噴。賊怒亂刀斫女亡。貞魂一縷升帝鄉。寄語女父不須哭。有女如此光邦族。呼嗟乎。恍惚罵賊事。倉猝殺身不甘受。賊辱兩間正氣千載存。百世流芳還旌門。

白傅詩老嫗都解以之鬪揚節烈可令頑石點頭
秦文伯注

奉贈江安督糧道王少峯 朝倫觀察 世襲子爵閩人

採風詩二集 卷四

六

久耳鴻勛著八閩。兩江駿烈又垂名。感深

綸綍勞忘告。念切箕裘任匪輕。幕府每虞轉餉匱。

天儲時切荷鋤情。公餘有暇還燒燭。虎幄宵分尙論兵。

筆墨軒昂許寶謙注

寶應觀音寺謁王補帆 凱泰 太史兼贈聚堂方丈

將壇高並講經臺 時司 團練 說禮敦詩卻子才。灑借玉瓶兵洗

水。喫將銅鉢火消醅。雷鳴臘鼓三洲感。靈擺星旂八陣開。

我喜拜公同拜佛。琳宮連日謁如來 拜佛七字用 李花農句

黃華二讀絳樹雙聲許寶謙注

四年七月初五日。擒子橫嚙。時張匪作難吞民膏。王師不到。

大帥遠。憑誰能殲獍。與鼻豪城之南十里。并數千賊擁烽。

烟警。我兵練勇。僅千人。欲成一隊。無人領。人人恐。慎風鶴。

驚。况復剜面成鬼形。長毛每被青黃紅黑短衣。刺花其面亦如其衣色。眼看沙蟲。

逢劫運。空思頗收。與韓彭李。哉三老。來南極。問年都已過。

七十各各督戰。手執旗。同認馬。援翁鬢。鏢轉戰。已過五個。

時。賊更大。至噴鼓。鞏我兵退。至雙澗口。痛矣。馬革皆裹屍。

三老誰。蒙城英。一為武孝廉。武舉萬廷簡世德善射。能知兵。萬世

德善射。知兵。戰無不捷。一為張徵士。孝廉方正。張如霖威能靖邊。纂思明。張思

採風詩二集 卷四

三

明恩成。並以其一。姓氏忘已久。是余之過責。誰某故老名山。

詢莫稽。聲銷跡滅。難傳口千古。湮沒幾英雄。碩人伊人。想

像同。却羨名忘烈。不忘三老不愧為。

國殤。古今多。夕人失節名。雖耳熟。豈流芳。嗚呼三老。真是萬

夫剛。

七十老人亦慷慨。捐軀山空忠烈之多。非此歌何以傳。

揚州小東門水行。為殉節。賴捕同知朱守讓作。少

序

小東門水清且澈。忠臣屍浸十六日。小東門水通江潮。洗

兵誰捧潮水澆。此日邗江東逝水。嗚咽長流湧怒濤。君不

見朱少漪。賴捕其官衙同知。其人章江爐嶺推人望。章江

嶺皆南昌山水。其才保障稱繭絲。歷任江南四十載。所到都植棠

留思。少綺自嘉慶二十一年由江西來江南省垣威豐六

年。集食前公時騎鶴揚州。遷詎料下車甫三日。清明風鶴

警南天。日清二十九。烽烟陡起非端烟。礮火不是新火燃。武臣

畏賊騎。豬走文臣拒賊城。獨守誓與孤城共。存亡微臣直

與大臣偶。此時兵餉兩不支。無援周虛謀。安施俄馬妖氛

壘上壓。何人迎盜開門揖。遂使欖槍驅虎豹。煞時紅羊騰

採風詩二集 卷四

三

浩劫公乃赫然髮怒。指兵僅廿名。頻麾使掃蕩。未能恢南

朝。且將入穴擒虎子。太平馬頭作戰場。血流波溢瀟街紫。

公之忠勇人誰比。人盡如公賊盡死。惟虞百姓化沙蟲。願

拚一身冒鋒矢。其奈寡固不可以敵衆。撮土難將羣流壅。

戈鋌叢中劍斫雲。面受五刀死堪慟。同公死者有世公。世謂

總太守。同死封董臣皆忠。世公兒幼屍誰收。公有五桂燕山

儔。長君從九品榮照次榮浦三呼嗟乎生前公本清白吏。

死後水明淡泊志。宛在水中護有神。浮屍蛟龍不敢吞。越

三五日殮如生滅。虜厲鬼是張巡。至今碧血化青燐。夜夜

常飛氣不平，慕邊來往人。多少痛公忠，列淚頻傾。諸公子得屍於

揚州小東門河水之中，樞 人生自古皆有死，太山鴻毛分

彼此一代清官不選錢，孤兒寡婦人可憐。古心幸有王刺

史能佐方伯，潤廉泉。山陽幸于蓬生刺史奉何亦民方伯命，虓植同寅共勤麥舟之助高誼令

我心懷忠指日來

再陞

龍錫殊榮名萬年

纏綿激烈足以驚風雨，而泣鬼神。狂才軀欲事詳明而筆氣醇茂，可作一則。朱公小傳許實謙注，英姿颯爽，足以傳朱君奮不顧身之槩。梁小廉

採風詩二集卷四

弔塔公齊布陣亡

義憤人同切，將軍兵獨籌。沔州三日復鄂渚，一時收武昌漢湯

同時誰料洪山戰，人悲碧血流。彭童隨遇難，祠並祀春秋

土人豈公祠，有彭三

元童添雲亦從祀。塔公忠勇久從吾友漢陽劉子謙 暇垣兩孝廉熟聞之合讀先生詩益信許實謙注

辛酉十月上浣，謀刊采風二集，重過興化，留贈保衛

局黃子湘文涵太守並呈宋風初集

先生才藝擅多能，豈特朱旛紫馬乘。星宿羅胸雲錦織，工

龍蛇走筆鳳鸞騰。工書法並 千軍橫掃人無敵，三絕齊

名技其稱草木亦知黃少保期公攬轡世清澄

兩載勞薪離故關梨災覆甌待人

剛九年正月謀刊初集至十年九月方浩竣

懷忠勸孝詩尤富訪勝尋幽轍又還沙本難博成峻嶺雲

何忽伴戀名山早梅將放春猶小要藉仁風破笑顏

時託虛植志和朗潤著于成春徐聘卿

辛酉十月初九興化留贈丁孟吉

士榮巡尉

知己重逢情話真公何守拙尙安貧才華老練宜匡世家
國艱難急用人

天子龍飛元乍起是日為今上御極之初書生蠖伏屈須伸及時努力

採風詩二集

卷四

三

力加餐飯莫戀閒尼負此身

情真語摯非尋常贈答可比徐聘卿

辛酉十月謀刊采風二集重過興化喜晤徐聘卿

孝廉留贈

昭陽又到訪心知壁看泥金喜若癡從此絲綸裏

聖主豈惟韜略練雄師時飲加內閣中書銜見司副練人經磨礱才逾大筆使

猶龍句更奇我要墨花分潤色不教覆管有枯枝時以采風二集

校

襄詞愧不敢承詩筆允推老手徐聘卿

辛酉十月重過興化喜鄭小硯國瑛公子見訪

已把副車擊終期全鹿收小硯中已求三軍重奪帥五鳳順天副榜

合修樓未免干戈阻能無身世憂毛錐果難用投不為封

侯

振筆直書一氣鼓鑄徐聘卿

興化留贈畝捐局盛翔齋又和提舉馬純卿夢金

明府

蒼生請命待黃龔餉先籌助戰功孟獲縱擒誰偉略曹

彬收復仗英雄犒師膽壯三軍飽聚米囊教萬虜空從此

採風詩二集卷四

五

妖氛滅朝食與公重享太平風

按切米捐興高彩烈徐聘卿

謀刊采風二集重過興化十月十七日訪友事竣偶

詣丁孟吉上策巡尉寓齋留款酒麪始知是日為

七秩懸弧之辰作四韻誌喜

和暖天纔趁小春是日風靜雲開晴暖異常主賓難得兩詩人君因客

親友聚不使開請宅陸駐顏喜醉長庚酒廉頗強飯歡同大將事

瓊樹培成三梁棟謂景彰和軒梅花修到百年身客中愧

我無儀賀七字聊吟祝七句

亦真亦切方是真詩徐碑卿

興化留贈江南糧臺趙次梅彥俞 刺史 哲嗣 幼宦

漫道妖酋滅難鷲有陣要精團通身膽大雄推趙起

龍一身是騰著翅人飛烈比韓韓果 喻險 逐寇 號

史筆洗兵化雨仗吟壇次梅 曾秉吞舟試看魚非小終佐

將軍下酒餐

家情勝樂珠玉風生徐聘卿

蕪城井 弔興化鄭景堂揚州殉難

景堂為小覲副車族伯年七十八歲寓揚繪畫謀

採風詩二集 卷四

三

生蘭竹能繼板橋先生家法六年賊復陷揚州公

孔為賊殺率女孫投宅旁井而死

興化老諸生行年近八旬才高唐伯虎伯虎 賣畫 詩云 湖

人買我畫中山筆擅李公麟紀甌人珍畫安烟係待破可憐遭殺

運何處可藏身

耳聾口又吃其奈命如何甘坐觀天小羞看揖賊多斯人

真郭佐郭佐 一 孫女 亦曹娥 曹娥 投江 覓父今日蕪城井

清同董井波揚城有董仲舒 井人號董井

古節古音此詩此題均堪不朽徐聘卿

興化和答鄭小硯國瓌公子見贈元韻

我慕羲皇人詩吟肺腑真風觀中與外兩訪舊兼新堂喜
營三草余築牛山別業京口柳寄吾題日草草草堂書空著等身彌縫師魯嬰

奢願使其醇陶詩

鄭眾佳公子藏修養澗阿注經有根柢汲古得源波風尚
能如父才堪繼治河尊甫子硯先生曾著下河水利一門英雋聚想見慶

餘多令五弟慕壽國琦七弟楚白國珍八弟幼石國政皆一時之後詩意敦厚絕非庸言徐聘卿

興化趙小湖春普招飲留贈

採風詩二集卷四

七

又謀剗劖賣文章訪舊重來客楚陽敢謂太平修李昉李遠修太平御覽竊師忠孝勸辛昂忠人之立身如此而已一邑皆化主逢半部欽良相趙普名占千秋纂藥王華陀今夕勞

君樽酒款駐顏紅不倩丹方小湖精於岐黃筆意冲和格律精警徐聘卿

興化劉蓉村春宜見訪

滿地江湖一海鷗颯然又到楚陽游空靈秋水詩人筆浩
蕩烟波漁子謳借酒何欣逢夢得時同飲湖書堂請纓將去揖
諸侯劉基家學精韜略可許從戎共戮酋

一往情深醞醇有味徐聘卿

書趙孝子觀瀾

術堂

水部郎中墓誌後高郵籍喬寓興化

觀瀾先生吾故人

二十年前曾以長女紫筠詩呈止

萬頃叔度汪波清知

其品業

流

靈秀

三十六湖吞胸心家承半部良相業赤手

欲把陰陽變幾番縱橫計不就收斂經綸學醫法與談醫

埋湖歧黃語為盧扁所未發不為良相為良醫萬人託命

仁能施我想施仁先務本百行惟孝推而準君不見公有

祖母病牀蓐

祖母朱氏

依劉志切孝心篤父母朝夕嘗藥湯公

乃隨侍勞代服欲解親憂祖母痊午夜焚香上籲天童子

採風詩二集

卷四

三

何知孝能純

公時甫十二歲

董生真婉古劉殷昔劉殷九歲祖中冬思董殷于野中

慟哭遍地生華

始信天經與地義真孝感人皆隕涕至今里黨傳

口碑是真孝思洵不匱誰料祖母病不起哀毀成疾到母

氏母仲氏

飲食漸減喜糕湯夜夜宵分進一七

每于四更後不假入手躬

親作戚奉母

匪特季偉殺雞非娛賓匪特顧翔供母生胡米顧性

孝母喜食胡米飯而胡米過生

未幾母歿奉父命附身附棺終能慎讀喪

禮而襟沾涕

會

廢蓼莪而痛親逝王擗踊悵恍呼捨地千

金難把此情易慟隣母葬臥荒榛無復晨昏問寢門夏夜

炎蒸愁苦熱嬌兒不在側誰恣蚊飽血冬夜獵獵號風霜

嬌兒無黃香。離為母溫床。平時慈顏。日日觀。今日慈顏隔。
抔土孝子念此。寐不遑。因為廬墓伴母。考傷心身如侍母。
側三載不離。如一日。公孝真如古。廖洪青蛇白獸。馴蒿蓬。
公孝直等古梁詔。甘露芝草環墓道。廖梁二公皆廬墓孝
感徵異楊隲母夜廬
亦生。却喜椿庭春暉暖。草心常抱不遊遠。猶憶阿父違。
桑梓牽車。曾把離絲理。散財翻登避債臺。合浦珠還迎歸。
里更憶庚辰歲。六月父被蛇咬。受其毒。公乃口啣受毒處。
晝夜噲之毒。乃去。奇方想自天外來。宜乎州牧誇孺慕。王
州
牧表其室曰
孺慕性成每逢家祭必躬親。涉險舟覆扶有神。行俱詳
無

採風詩二集 卷四

何父亦賦遊仙廬墓亦如母。三年遵父著書普救世。著書
經指

歸活人全不計金錢。吁嗟乎世俗庸流厚者薄。骨肉翻等

秦視越自家。一本不知親。却聯異種誓天日。眼見顛連無

告人。一毛吝。同楊不拔。公乃顧之曰。天乎。天何厄此民無

辜脫裘。活涉水老人
置帶。置金帶全活飢
民見又獻通考飢寒濟行乎所

安。非名沽。豈偉空地送鄰窮。人感誅茅蔽雨風。豈惟市廛

施公局。救生廣推行仁術。救生和
册局欠數代施水月菴。不留

餘欠遺父慚。凡此皆遵父命遺。繼父之志能好施。甥貧姊
寡。尤矜恤。月給薪米憐無依。豈惟施藥活九死。丙吉陰德

及孫枝

見漢書

宜乎積善家餘慶南金東箭一門齊

觀瀾現已請旌

孝建坊崇祀忠義孝弟祠誥封朝議大夫賞

戴花翎德

配蕭氏誥封太淑人長公子小湖春普候選都察院都事

次奏言子詢工部郎中虞衡司行走三泰封員外郎銜候

選主事工書畫長係履齋布政理問銜工詩皆如長江大

奔蒼蒼蒼渾灝流轉題之層折包括無遺正知長江大

河一瀉于里寫趙君純孝處語語血性尤足維持世教

徐聘脚識

趙母蕭太淑人相夫教子行

將欲訪孤山之寒梅兮兵阻武林且問渡於楚陽兮時值

小春感故友之凋零兮晨星寥落謂觀瀾先生及鄭子倪

先後下世歎蔚然之獨秀兮歲寒松筠詢東道之舊主兮騎箕

採風詩二集 卷四

三

仙去喜替人之多才兮壑聳霄凌見王且傳看鵬飛於萬里兮

狂天八翼陶侃傳聽朝陽於梧桐兮三鳳齊鳴河東三鳳鳳齊鳴

誰之力父為今扁鵲心切活人活在家日少常外出童年

讀書日東方禹寸陶分誰教惜賴有賢母能教子家運雖

隆婦織不弛敬姜勞逸論永矢父家裔本蕭穎士一時人

咸呼夫子穎士廣施教化弟子皆號蕭夫子母幼不惟嫻班箴父書讀破

通詩禮不欲兒為猪詩韓終身辱泥塗願兒為龍翔身貴親

名場乃操夏楚嚴兼父期兒腹飽撐曹倉仲邛母丸熊歐

揚母畫荻今古賢母人不一望兒奢願同切切未幾博作

未亡人。綆修汲古心。尤深夏夜課兒忘。苦熱汗珠淚珠一
齊落。冬夜課兒耐風雪。龜手指畫裂。流血兒書讀。殘母工
輟。不知東方已既白。兒賴母教成。母賴兒顯名。指日鶴書
卿。到門逮養營。堂鳥私伸我。作此詩表徽音。用勵天下閨
中人。須奉淑人爲典型。

一語 第十一字一派真令人不忍卒讀徐聘卿

招贈趙小湖

箕裘纂家修。堂構承先業。不謂孝思心。亦有傳心法。不見
趙公子。精得青囊訣。繼父志。刊書救世苦心樂。暫財能恤

採風詩二集 卷四

三

孤亦如孟簡切。

孟簡好施恤孤務盡

清高有父風。守拙三聘却。初高

郵興化公舉小湖應制科通詳吐憲小湖固辭不受

而我重小湖。不在此數列。人生

所難能。難能在庸德。孝友本性成。家庭有至樂。推孝友于

弟。教弟才卓犖。

注詳上篇

推孝而憐妹。矜寡貧更恤。妹貧寡無依收養于

家。持此鑿人倫。已足完人節。歌吟入采風。用以端士習。

古質樸茂漢魏遺音

挽高沙老茂才李石生

石生抱不羈之才。屈於名場。遂爲傳道後學之計。

開創文會社。不避嫌怨。引導諸生。品騰甲乙。精當

鹽生日竈無憂

正月六日為鹽生日天晴則吉

輓轆渾水不須煎人掃明珠粒粒圓第一利民還裕

國家大政海為口

有山不用買青錢士習端由太傅賢一自散金臺築起書

生端不計迤邐

城南井水瀉淙淙日注冰涎兩雪龍雙龍井在郭南海上水清冽不竭

旱苗枯欲死霖飛何不救三農

山色城南住曼卿鳥啼猶訝讀書聲桃花想見當年豔不

斷生香繞石棚

探風詩二集卷五

九

山根崇刹紀唐朝圓林寺在馬耳山下不住鶯聲木占喬每歲清明

人掃墓祭餘酒喜共僧澆

蠅屋南望渡恬風轉瞬滄桑變不同惟有飛來山色古千

秋常壓海雲紅

白壁山碑紀蓋臣我來訪古剔荒榛題名千載文忠烈盜

擊淮南卅六人張叔夜擊宋江三十六人

柴米歡騰遠運來一川新水濬新開官聲應並器名好甲

子河中甲子唐陶山先生開甲子河所得名甲子

願作人師不備官孔融何事喻書看為貪山色來東海那

羨齊名管幼安。

耐原字根矩

閨中二烈善詞章。文賦曾歌兩鳳凰。余有七無地不存天

正氣。讓。他。女。子。振。綱。常。

大村行週小名村。翁婿殷陳世俗論。我訪天門盤十八青

峯頂上有三元。世俗衍搜神記謂三元先世為唐宰相殷開山之婿陳狀元光蕊始誕三元今大村

有子春遺塚子春即光蕊字也

喚龍隨鹿著奇書。東海何多仙跡徒。如成元英徐生張志朴丹霞僧諸人

獨陰兵能潰賊。墟溝城北龍王廟神佑民敗寇屢著靈異道人龍網是蜘蛛。舒位

有蜘蛛網龍篇

採風詩二集

卷五

三

我來訪古問伊廬。寥落將軍牋里居。鍾離嘆惜功成烹走

狗。當年多事困龍且。

功狗烹餘體不完。漫疑三族子遺難。犁田犁得淮陰物。尚

有瓶名道姓韓。

義人五百想田橫。命不如劉敬愛生。漫說英靈遜潮怒。孤

忠常話海東民。

娘。娘。廟。外。草。逢。春。即孝婦祠勝會空多買賣人。惟有感人真孝

在。憤。興。幾。代。斷。頭。臣。

村名十八有賢人。諺有東海十八村村出賢人之語人似唐虞氣魄清。

綸音

取

天上語。桃花源古比尤真。

四千年後丈人名。蟠地蟠天鱗甲成。他日飛騰還作雨。化為龍去濟蒼生。松為三代以上物。

宿城茶樹久傳名。羞其龍團鳳餅爭。每到山僧烹一椀。性靈疏淪咏詩清。山頂悟正菴茶樹為天下第一一名雲霧茶。

遂壑。函岩聳翠巒。都州福地此奇觀。雲臺一名飛來峯七十一福地為他萬里洪流撼天遣炎峯壓海湍。

採風詩二集

卷五

五

蟬壳為牆荻作廬。漁家生計仗求魚。憐他日落海風起。蛤蜊龍腥掩鼻初。

水族因時入罟罟。似黃魚鱧形似石首即小蟹有節蟹而小。螭蟻蝦齊。有草蝦對蝦大白四種。人家小戶餐都飽。價比青龍菜。青豆腐。

海物奇多事事強。豈惟魚骨可為梁。魚骨廟在大村梁為鱸骨。立飛鯨

鶴螯為燕。都想風雲天外翔。鰾魚骨集飛立二鶴聲。螯為燕頰肖。漫笑雞羣立此君。仙禽品與俗禽分。鶴有仙三種。知渠久抱沖

天志。聲向雲霄以上聞。

火星難滅雨風宵。盛暑陽冰晝不消。應是海王情態幻。炎涼畫出去來潮。

轉眼滄桑已變田。小海在鳳城西風波不起起塵烟。不來水鳥來

蝴蝶。花映紅陽是海仙。

海外巖臺舊有門。鸞遊雙岫矗天閭。東西兩島居民好。日煮魚蝦佐酒樽。

開山頂上看朝暾。不見扶桑樹影屯。惟有十洲與三島。有無之際辨雲痕。

風停海市幻齊開。異事驚聞屢費猜。忽覩月鉤認簾捲。那

採風詩二集

卷五

知蠶氣象樓臺。

西平故里。于公封西平侯傍關村。陰德能興駟馬門。想見得情清

折獄不教精術有冤魂。于定國故里在關東村東南一名于公墪

爲訪胸山出郭東。鴻臚張朝瑞馬鬣尙崇隆。著成水利籌荒

政人物吾鄉早數公。

緝盡私臬蒞屋安。陶山人頌是清宮。陶山唐公賣刀買得黃犍

犢。耕遍胸陽海上灘。

皇麻良辰揀數回。新年折柬治金罍。家家請吃鄰莊會。此

事相沿自古來。

鑼鼓元宵不斷敲。與民同樂火蛾拋。嬌癡兒女忘春睡。海上燈看駕六鰲。

盤有年肴酒滿卮。延來姊妹母心怡。還邀鄰女輕拋筯。驗姑姑勝揀著。

山村最苦是農夫。小卯雲耕紅杏初。民事始知難暫託。挑燈還自揀農書。

百花生日是花朝。撲蝶無心習氣消。卻羨當家小兒女。一逢和暖菜齊挑。

眉不抽兮唇不脂。惟工紡織酒肴司。不拖裙帶高梳髻。聞

採風詩二集

卷五

三

閩郡爛德曜儀。

前後清明十日推。家家墓掃紙錢灰。兒孫有志家聲振。馬鬣高培土一坯。

城中隙地土皆肥。種麥珍同菜種施。卻喜一畦收雨利。漫嗤農圃學樊遲。

祈罷蠶神叠鼓催。踏青瀨向埜田來。門前愛插垂楊柳。兒女都知弔子推。

三月清明下種忙。人攜鴉嘴不栽秧。皇天但有迎秋雨。準擬霜鎌割滿倉。

年年四月謁琳宮。尋遍羣西。又尋東好趁櫻桃時節好。朝
山人吃綴枝紅。

節交芒種暖風薰。人不能閒。總作勤弓網。結成花裏浪。大
家收拾翻黃雲。

誰家艾虎挂廳堂。五日驅瘟俗若狂。惟有農夫忙不了。陌
頭團坐醉雄黃。

蒼梧頂上摘星辰。攜酒曾邀我輩人。最好五更雷雨後。樓
登海曙看紅輪。

炎天思覓水雲鄉。不必浮瓜戰茗香。孔望山前龍洞幻。綠

採風詩二集

卷五

二五

陰多處可招涼。

大雨時行發水天。山家剪芋插盈田。即今打點寒糲計。幸
相何須領十年。

百穀登場次第收。山家樂事苦中求。新餐餅餌鮮。豆白
粳還春佐脯脩。

中秋月餅象團圓。剝棗門前滾赤丸。女客延來歡姊妹。植
梨菱藕好同餐。

水雲鄉裏冷烟拖。南接青伊東大河。好向蓼花紅處聽。信
風船上打菱歌。

水退湖村種麥天收犁有雨即逢年不鋤不冀憑天長海上人呼懶漢田。

潮河東去海成灘五穀無收粒食難惟有霜寒秋老後斫

來蘆葦當田看葦蕩營蘆爲黃運工料

羽山秋老雉雞肥莫漫張羅競打圍留取後身能變化

樓奇壯海王威。

蕎麥花殘九日霜罌盆割蜜許分嘗好調桑落澆詩酒何必登高興始狂。

望子爲龍不作豬冬烘延得坐蓬廬幾多父老簷前曝襖

採風詩二集 卷五

三五

著黃綿聽讀書。

冬烘謔笑我爲童余少卽授冬學此日居然亦愛烘火煖豆豉團

弟子滿堂恍似坐春風村中十月遣子入學名爲村學所讀百家姓雜字等書謂之村書見

劍南詩註

偶仿採風風人之旨指陳民風物產山川勝跡不敢輕涉瑣碎綺語詩陳士風樂操南音蓋前志也工拙不計

馬仁山日記臚陳古迹博採今俗足補志乘所不及洋洋大觀也汪才對

跡古人古意新筆新可以補國史之缺可以證志乘之遺擬將結廬牛山之陽與先生爲鄰也

餘幼珮

東海兩鳳凰歌 爲顧烈婦沙烈文作

胸東山海天下重。代有靈鍾才出眾。不謂毓秀到金閨。志

節文章呼兩鳳。陳雲伯詩鳳凰城下鳳凰雛君不見邱嫂生小嫻。詩書

自昔初來伴陸姑。小姑亦是儒家子。女中丈夫慚鬢鬚。顧

影雙鸞互開鏡。堆雲兩髻同理梳。花有並蒂姣。木有連理

好。青山門尹邢。容貌誇窈窕。遊如比目魚。隨如比翼鳥。見

月同拜嫦娥新。穿針同擅天孫巧。雙瑣圓撥文姬絃。五花

豔奪江郎稿。玲瓏心竅蕉絲抽。屈曲眉灣柳樣掃。有時互

盪朝捧匳。有時同砧昏搗衣。有時張機同織素。蘇蕙迴文

錦上辭。有時偷閒共聯詩。謝家道蘊輪才奇。爾小生成愛

採風詩二集 卷五 五

雅頌不憤花吟與月弄。浩然正氣鬱乾坤。不與尋常閨秀

其三從四德家訓尊。三綱五常姆教誦。方期修史纂大家

不作無益文。無用順治乙酉秋八月。百萬貔貅擁宋堞。孤

城將破殺運逢。舉網恐難魚漏妾。城中最苦憐三烈。誓惟

一死完大節。吁嗟乎兩兩紅顏罹厄苦。義烈一腔激肺腑。

先秋霜打斷腸花。對泣雙雙落紅雨。失身甯復家國補。捨

生惟有義堪取。白璧無瑕完璞貞。平生同慕豎樓人。金谷

綠珠羞比擬。小英躍水是何倫。順治甲午杜小英掠於兵軍師欲犯之流日吾父喪

絕句結云寄語雙親休眷戀。入江猶是女兒身。一門殉義

姑與嫂氣壯山河天並老。血凝濱海草亦香。身化青燐骨
不槁。奇忠苦節同此心。文山疊山名共寶。我生恨不生同
時。伏讀遺詩想懷抱。才華福豔嘆雙修。招魂欲薦蘋蘩藻。
迄今貞潔光海隅。千秋傳並田橫島。鳳凰城外青山簇。多
少茂林環修竹。鳳兮鳳兮去不歸。竹實年年墜枝綠。我今
揮汗一長歌。淚痕爲爾衫何多。兒女英雄同薄命。拍案令人
嘆奈何。

筆健氣足神旺詞充許寶謙注
事足以泣鬼神筆足以驚風雨鮑幼珊讀

附錄顧烈婦詩

採風詩二集

卷五

七

海上烽烟暗素秋。山城文獻盡墟邱。紅顏早不理黃土。
薄命今惟墜小樓。四德無慚當日訓。三從行向此生休。
繁冤劇恨難宣寫。夜夜青燐古陌頭。

附錄沙烈女詩

山城一旦破城闈。百萬貔貅正聚屯。皎日匿暉雲黯黯。
驚塵彌望騎歔歔。紅顏自古多羅厄。白璧無瑕始見珍。
苟且得生不如死。與君同作墜樓人。

采風詩二集卷六

海州 湯國泰 仁山

協辦大學士兩江制軍曾廸生國藩節帥愛民歌鋤

秀安良明白曉暢寓忠君報國之苦心為定亂扶

危之名將予愛而讀之於每句下注一二轉語與

原句一氣貫通亦猶夫子聞歌而善而後和之

意云爾

三軍箇箇仔細聽。行軍先要愛百姓。制軍百姓三軍一家

人。人心既歸天心順。泰贊賊匪害了百姓們。全靠官兵來

採風詩二集 卷六

救人。制軍官兵一到死得生。如水脫溺火脫焚。泰百姓被

賊吃了苦。全靠官兵來作主。制軍呼耶呼娘莫能援。官兵

是我重生父。泰第一紮營不要懶。莫走人家取門板。制軍

門板一取戶難關。恐有虎狼入門檻。泰莫拆民房搬磚石。

制軍貧民庇身無二宅。泰莫踰禾苗壞田產。制軍農家祈

歲望穿眼。泰莫打民間鴨和雞。制軍七十無肉怕啼飢。泰

莫借民間鍋和碗。制軍烹飪無具氣空喘。泰莫派民夫來

挖濠。制軍苗欺根莠無人薅。泰莫到民家去打館。制軍婦

孺驚散怨總管。泰築牆莫攔街前路。制軍萬人來往蹟。可

慮秦斫柴莫斫墳上樹制軍孝子淚滴長成杖留取清陰

馬鬣護秦挑水莫挑有魚塘制軍好哉生物有天殃秦凡

事都要讓一步制軍仁人自有神人顧秦

第二行路要端詳制軍喪馬躍乘兵不揚步法止濟軍容

肅秦夜夜總要處帳房莫逢城市占鋪店制軍擾攘生涯

買賈眩秦小本蠅頭受害多保無狗盜乘機變秦莫向鄉間

借村壯制軍人馬塞途禾苗傷秦人有小事莫喧譁制軍

銜杖戰士從容誇官道不似沙場上秦人不躲路莫擠他

無錢莫扯路旁菜制軍辛苦灌園衣食賴秦無錢莫喝使

採風詩二集 卷六

宜茶制軍養生以水為生涯秦更有一句緊要書切莫擔

人當長夫制軍人生各自有身事拋棄正業情何辜秦一

人被擄挑担去一家啼哭不安居制軍未知擄夫生和死

未知可得還鄉間秦娘哭子來眼也腫制軍夢魂不定生

驚恐秦妻哭夫來淚也枯制軍肝腸欲斷還憂虞秦從中

地保又訛錢秦分派各圖並各都制軍頃刻風波起平地胎

膏取盡民無餘秦有夫派夫無派錢牽了牛馬又牽猪制軍

驚心動魄無地入仰天惟有長嘆吁豈惟手足無所措秦父

南子北分途趨秦雞飛狗走都嚇倒塘裏嚇死幾條魚制軍

制軍

第三號令要嚴明。制軍吳宮教戰女子兵。須學亞夫軍細。

柳秦兵勇不許亂出營。走出營門都學壞。總是百姓來受。

害制軍狐假虎威勢逼人。白股騷擾恬不怪。秦或走大家。

說錢文。制軍谿壑無厭如鯨吞。秦或走小家調婦人。制軍

須知萬惡首為淫。若見少婦念妻女。苦遇老婦思母親。如

此潘心自不起。天榜還書狀元名。秦古人拒色而得大魁。

也。秦邀些地痞做夥計。制軍狼羣狗黨指天誓。勾引宵小

作姦細。秦買些燒酒同喝醉。制軍逍遙河上無顧忌。秦逢

着百姓就要打。制軍居然潑皮成無賴。秦遇着店家就發

採風詩二集 卷六

氣制軍睚眦不受亞聲至。秦可憐百姓打出血。吃了大虧

不敢說。制軍豈惟唾而令自乾。啞吃黃連苦自嚼。秦生怕

老將不自在。還要出錢去賠罪。制軍殷勤只望合家安。毀

盡家貲都不悔。秦要得百姓稍安靜。先要兵勇聽號令。制軍

號令如山撼難搖。秋毫不犯民安定。功兼勦撫王陽明。曲

體人情范文正。秦陸軍不許亂出營。制軍謹守隊伍有制

兵。秦水軍不許上岸行。制軍行涉有法嫻要精。秦在家皆

是做良民出來當兵也是人。制軍在家孝親畜妻子當兵

衛民卽報

君戰陣無勇爲不孝。曾子孝經爾須遵。與帥一心成大勲。圖形

還共上麒麟。泰官兵賊匪本不同。官兵是人賊是禽。制軍

人有仁心皆不忍。賊無仁心惟鬥狠。兵能保民賊害民。保

民害民判畦町。泰官兵不搶賊匪搶。制軍殺越人貨死不

啓。泰官兵不淫賊匪淫。制軍到頭淫亂禍終臨。試看古來

巢與闖局終天必亡其身。泰若是官兵也淫搶使同賊匪

一條心。制軍須知王法所不宥。身首異處悔無救。泰官兵

與賊不分明。到處傳出醜聲名。制軍荏蒲卽是招來卒。名

是官兵行綠林。泰百姓聽得就心酸。制軍上天無路入地

採風詩三集 卷六

難。泰上司聽得縐眉尖。制軍私賊未平官賊添。泰上司不

肯發兵餉。制軍發餉養兵非養姦。泰百姓不肯賣米鹽。制

懼他騙去無銅錢。泰愛民之軍處處言。制軍如病得藥霍

然起如旱得雨苗不死。泰擾民之軍處處嫌。制軍如蒙不

潔掩鼻避如衣朝衣塗炭沾。泰我的軍士跟我早。多年在

外名聲好。制軍兵過羣誇君子兵。討罪羣知奉。

天討。泰如今百姓更窮困。願我軍士聽教訓。制軍自來王者天

下安。第一安民是仁政。泰軍士與民如一家。千萬不可欺

負他。制軍須知天地大父母。兄弟顛連我倍嗟。爲民造廟

更請命削平同賞太平花。昔仁宗收復西川貢名花上賜名太平花日日唱熟
愛民歌天和地和人。制軍

相國此作誠如青天白日民皆仰之得先生爲加一轉
益覺詞氣明快理足神完感人不少。賈謙

制軍之愛育黎庶爲國朝之柱石先生之闡揚心曲
亦孔門之游夏也。梁小廉

袁江和答揚麗堂。鍾華參戎見贈韻

將軍說禮與敦詩。左傳破敵無煩箭一枝武惠江南收國

日班超西域定邊時投壺歌雅雍容將有勇知方仁義帥

採風詩二集 卷六 五

他日功成唱凱返躬耕劍是買牛賞。用龔遂賣劍買牛事

詩亦有儒雅風流之致。梁小廉

附錄麗堂贈句

有關世教乃爲詩僅見牛山獨秀枝一代騷壇徵事日
千秋金鑑廁名時闡揚不啻慈忍佛詳引何殊普渡師
我誦采風無以報縑君多備買絲貴

聞欽差大臣科爾沁郡王僧王統領馬步兵數萬剿

除捻匪喜賦

帝命元戎拜將壇

王師南下萬民歡。專征師出貌貅擁。決勝兵籌虎豹團。檄草屠

磨皆誓諾。羽林材典盡。彭韓何時熱。血刀頭洗告遠。降囚

勝據鞍。唐書齊王元吉討劉黑闥獲俘皆撫遣相告百姓欣悅眾散縛其渠長遂擒劉黑闥

飛軍十萬下

天闢何事虺蛇敢。穴屯巢搗定教走。無路窟搜那使揖。開門旗

翻紫電。顏都變馬飲黃河水不渾。此去豈惟清草竊。江東

寇翦莫黎元。

王之武畧狄武襄之流亞也。得此詩可以無愧。梁小廉

旗翻二語尤警絕。小廉

採風詩二集

卷六

六

閩僧王即師率兵數萬。剷除擒匪。時連營百二十里

異種偏忘

雨露恩江頭。牙爪尚橫吞。

王師會看羶腥掃。醜類應教鼠兔奔。日月旌旗書姓字。風雷號

令震乾坤。長纓誓繫單于頸。不使狂鯨遁海門。

氣薄風雲聲震金石。許寶詠注

日月一聯是大手筆。梁小廉

送江小雲。清驥觀察之袁江

曾籌關稅助軍糈。昔任常鎮道

王事賢勞不暇居，迹似轉蓬緣報國。權如授鉞定礮渠，希文

兵甲填胸滿。元凱春秋捫腹儲，我耄願從公密贊。尙能倚馬激飛書。

當與李謫仙上韓荆州書異曲同工 許寶謙注

送長雲衢 明府之官縣令

昔曾遊覽到公鄉，長白山高極彼蒼。信是我

朝基萬世 詳見三 稟遊跡 尤欣

天子壽無疆。萑蒲此去驅魚鱉，枳棘終看起鳳凰。他日政成風擬采，花封還要一觀光。

採風詩二集 卷六 七

氣魄沈雄興高采烈 許寶謙注

同治元年元旦喜臨于漢卿 昌遂 刺史即送之官州

時督 製造

駟馬門高曉日紅，出門難得見于公。西南我得陰功友，東北人占上歲風。 元旦五更東北風田家占風名上歲風

帝簡將軍籌武備，民懷刺史恤蒼窮。普天佳氣銷兵氣，栢酒同

傾慶屢豐

詩情歡喜文筆吉祥 許寶謙注

第四句氣韻古穆 梁小廉

泰州客舍喜費友棠據幕賓見訪寄贈姑蘇人

頻年彈缺客諸侯。又喜公車駐泰州。著借卽同懷抱展政

成能使口碑。謠時作幕泰州許緣仲觀察署。淋漓檄草魂驚鬼。痛快詞

鋒魄落酋他日得權須達道。莫教蓮幕誤春秋。

彰善為懷更剔姦來札自謂剔弊釐奸彰善。瘴惡為懷想見仁人胸襟。此心端可對

皇天。突來萬尾偏成劫。何物狐威竟弄權。樽俎倉黃無地

置。生靈蹂躪有誰憐。節樓却賴飛書檄。良吏家聲本大賢。

肯費震為漢中太守

上曾以良吏推稱 梁小廉

採風詩集 卷六

八

勸勉相兼非泛為酬荅者許寶謙注

送施普生惠明府之官縣宰

自盟浙水渡江來。指日輿歌頌有臺。倚竟遠模非百里。不

妨小試用全才。詩吟忠孝丹心切。士愛賢能碧眼開。想見

之常家學好施之常為。孔子弟子尼山衣鉢治功賅。

字斟句酌結響亦高 許寶謙

似范石湖梁小廉

贈汪笠甫編刺史卽送之官州牧時司製

修爾干戈彌爾矛。當年黃帝戮蚩尤。羽檄擬定千軍掃。器

利功方一戰收耀我旗旛飛虎豹看他蕃部沒羊牛古詩
旗旛過大荒又蕃部牛羊沙際沒羌民烟火
續中微此行總爲官恩德不帶荊荷苗宿歸三刀指口微
祥夢快觀汗倫布政優

骨格清超 許寶謙注

同治元年孟春謀刊采風二集重過泰州奉謁喬鶴

儕松年 都轉兼柬蕭古香盛遠 廉訪兩先生

全德全才古罕兼一身衆政誰能肩我公應運天生篤風
度無慚古大賢拜颺自分作傳說漢和期作梅與鹽一腔

誠悃結

採風詩二集 卷六

九

知公才如雋不疑平反陰德活赭衣恐有冤禽海上啼按

察知公才能禹功繼著出淮揚書水利七二山泉灌委輸

黃梁不使肥龍魚水村維茲庶務隻手理一一都如髮就

梳知公文事武必需胸藏兵甲行則儒俾建高牙蒼生衛

萬家衽席恬夢寐變化六花飄海潮整齊八陣巍嶽岱從

無風鶴警柳營鮮卑不敢輕近塞後漢書誰料醜類江頭

樓莽伏憑誰一炬燎庚信洵有江南哀毒氛夜煽鳴百鳥

百鳥鳴見李白百憂詩魚遊釜底尙揚馨獸在圍中猶舞爪蛻螂弄

霜苦生靈

聖主憂民食志飽先皇口吟詩有近臣公乃赫然切義奮誓將

一戰收劫運自來兵足食須儲飽壯軍聲笳鼓競凱歌詩夫時兒

女悲歸來不然華元困楚莊易子析骸敵難勝

帝心簡在有獨眷知公才更超劉晏俾作鹽官理鹹畦轉餉軍

營助血戰維公承 命宣

君恩一一弊剔清牢盆庫款不虧恤商竈信是

皇家幹國臣昔陶雲汀宮保發行崇鹽我更期公翦妖酋同

寅須約蕭鄼侯謂古香鄼侯家學運帷幄決勝千里堪同

仇其人昔曾官建康政教接踵劉琪與張渡劉共為江東

採風詩二集 卷六

顧無憂二公皆南京名宦立榜埋輪外臺時未容當道有豺狼至今口

祝猶飲德早有茂績垂旗常人言喬公占潞公蕭公今文

正兩公同心同輔政一時廉蔭共籌兵削平禍亂鋤姦佞

尤願兩公鐵共授

九重賈罷閭內同籌運老謀彌精詳從容同坐鎮直使通誅鬼

腹枵元惡授首快手刃功成重斂采芑詩像畫凌烟人共

敬捷書

殿早報未史

天顏有喜秩屢晉黻生雖耄筆猶勁尚能襄贊霍夫病只恐

癡聾負栽培。預作凱歌呈教訓。

寫兩公鬚眉欲動而層折浩渾似從龍門合傳體脫胎
而東筆亦沈雄健拔 許寶謙注

同治元年暮春重過興化聞姚秋士觀察請假歸養

暫輟籌畫筆

時督辦江北糧臺

高堂養老親書生原國士孝子是

名臣潘岳與歡待姜詩膾喜陳草心紅愛日報蒼老三春

世人慕青紫定省缺庭幃雲影山空望天涯夢亦非鮮民

生獨感慈母淚頻揮誰似吾台憲承顏舞絲衣

一氣流走沉痛入骨可以興孝矣 徐聘卿

採風詩二集

卷六

東哲補亡無此綿邈

許寶謙注

清高深穩

梁小廉

世人同治元年春暮興化勸捐局留贈戴子安 元履明府

周諮我自愧輜軒 時付刊采風二集 擗管沉吟細考論親見尚虞

說逸行直書還恐沒奇冤千秋白骨憐憐碧十載勞薪席

不溫却幸文章遇知已家聲二戴禮為門

江頭烏合尚橫行決勝功誰一戰成士帶飢容難用命餉

充囊豪易徵兵使君董勸田輸米將帥爭先志是城曾待

削平殘孽盡看公霖雨潤蒼生

筆端吐虹曾次蟠鳳

許寶謙注

興化留贈白下周醇甫

葆元

明府

莫謾悲磨蝎雲開山出頭時通熙越

吳越春秋胡馬向北風而立越鷺向

日而路險困驕驢檄且煩枚子

泉時君襄質糧台文案功當比孝侯

誰言吾道蹇龍躍起純鈞

雅樂不同器。而能同一音。掃氛豪杰胆救世聖人心。帷幄

公會通詩章我憤吟仁風如可借。花放滿春林。時承說頂

前首以道勁勝次首以冲淡勝 許寶謙注

元年清明後重過泰州留贈許緣仲 道身觀察

採風詩二集

卷六

十一

誰種桃花繞堞紅。詢知教化比文翁。今朝服寇許良牧。元

許楫以單騎入賊壘。他日扶天韓魏公。宋代韓琦為秦州牧時夢以手捧天

而賊拜服時稱良牧。後歷相英宗神。茂績久留庶民望。清名早達

宗為一代名臣。更煩籌筆充軍餉。時兼督江南北糧臺軍餉 蓐食期收一戰功。

屬對險絕橫絕 許寶謙注

朱孝烈女行 有序節錄行畧

孝烈女為靖江望族。前陝西中丞盧舟公為女大父。

愛西湖山水。遂寓武林。父毅甫公諱璫。官刑部。陝西

司郎中。女生長名門。幼嫻閨訓。貌端謹。女紅之外。兼

通翰墨。書算音律。性至孝。失怙後。依母。仍居杭。母老

有足疾。動輒需人。兄遠遊。女朝夕扶持。極孝。養代兄

持家。母鍾愛。擇婿甚嚴。時仁和許緣仲觀察。乃弟。謀

庭隄身司馬成豐癸丑秋尖儷聘女為繼室至戊午
始委禽焉時壻奉檄江北糧臺戎馬間闕未遑迎娶
庚申春粵匪竄浙犯武林二月十九薄省城中鼎
沸謂家人曰變生倉卒既不能避僕從四散計惟一
死以昭清白耳越八日而城南破僕從四散計惟一
無賊急攜母走意欲脫母於難而已從容就義也乃
門未敢而賊將至女毅然曰今日之事有死而已死
貴得所死於此盡死於家乎時中表李君蔭亭適至
將隄城出女顧謂曰君往江北為我致意高陽生受
許氏聘死為許氏鬼魂將附以行遂解金簪一付之
屬壻以示意仍扶母歸將附以行遂解金簪一付之
聞壻之嫂孫宜人在家投井死唱然曰此不愧許氏
門楣先我得死矣復取玉約指一付老僕謝福轉
達壻家遂於二十九夜半投井死矣時其壻蔭庭夜
夢女至自言藥珠宮人今於三月朔日正時絕命井
中行將歸以老母託時壻之母亦於是夜見其登堂
再拜無所言若甚戚者迨逾旬後李蔭亭及朱氏眷
屬先後至江北許詢其貌甚肖衣服即正命時所著

嗚呼女守身如玉視死如歸恨不能奉母以天年死
之後又於夢語託可謂孝矣俱為駭辱舍生取義兩
以金簪玉指寄意以示必死可謂烈矣孝也烈也皆
天地之正氣也此豈尋常閨閣中人可同日語耶宜
乎蔭庭先生和淚濡毫作孝烈女行畧情極真語極
摯一派一珠不忍拳讓也余刊采風二集四卷中有
杭州紀變詩未段云城中貞烈多婦女俱為賊辱死
何苦竹齋南山不勝書傷哉湮沒同草腐今得聞孝
烈女行畧不禁悲喜交集因作七古發其幽光以
增吾書之重而其他湮沒不知者良可慨也夫

華嶽峻江漢清烈女之性同高山可移海可竭烈女之

志不可奪烈女誰朱家女晦菴家法理學祖虛舟中丞女

大父其父郎中斌毅甫生長名門閨訓嫻不惟翰墨書算

音律兼第一孝養慈幃廿旨奉北宮之女堪齊肩國策嬰

記子

不惟代兄持家家政。理母老病。足時扶顛。母鍾愛。擇婿嚴。
受聘。乃是高陽古裔。說文名賢。二八青春。芳豈薏。詠絮才。
華謝庭。秀居然閨閣。今孟光。宜家定賦。鼓琴章。羸女乘鸞。
待鵲駕。蕭史吹簫。將鳳跨。擬看織女會牛。郎何用天錢作。
聘價。方期合歡杯。把合盞。飲同心。結剪鴛鴦枕。佳人才子。
鳳諧。鸞魚水。絲蘿三生幸。誰料春光。資桃夭。梅實愆期否。
運交烏羊。未牽催妝禮。天狗忽到。負嵎嗥。君不見杭城二。
月十九日。無端粵匪來。倉猝城中鼎沸。人倉皇。女時欲啼。
啼不得。攜母避患。愁無法出城。又恐禍不測。反覆以思。惟

採風詩二集

卷六

西

一死不如死之留清白。二月廿九夜過半三月朔日五時。
刻。此時燬火。燾天赤。不獨驚心動人魄。女慟向母苦吞聲。
謂娘生我何不辰。天何降禍死離分。兒不願娘兒懼辱身。
恨兄未歸來。定省缺。晨昏眼中無兒空倚門。相依爲命靠。
何人給母坐。走前庭。仰天愁視星光明。淚滴井瓮成紅冰。
哭呼盤靈須引我。井神好伴邱嫂井中坐。謂孫宜入生未和聯
妯娌情死可同觀。天旋左跳身入井。神鬼驚貞魂一縷升。
太清呼嗟乎。人生最難得死所。舍生惟有義堪取。許字便。
是許家婦。未覩夫面。心已許。今生室未同他日穴。同處兩。

寄簪指示永訣。魂夢猶將老母託。憐他死後有英靈。前身
眞是藥宮人。倘爲丈夫必是周魯連。未食君祿身能捐。易
地若爲古曹娥。能負父屍沉江河。孝烈光爭並日月。乾坤
正氣耿不滅。世間貧生多少甘從賊。鬢眉對女應媿殺。

哀音急節天地爲愁眞。一字一淚一淚一珠人以詩傳。
詩以人傳並垂不朽。丁孟吉

事叫格天動地詩則泣鬼驚人。許寶謙

至性至情勝讀烈女傳。秦文伯

烈女之行可驚風雨而泣鬼神。先生之詩亦可驚風雨。

採風詩二集

卷六

五

而泣鬼神。梁小廉

同治元年暮春泊舟秦興留贈端木近堂。陸趙煦英

繼勲。兩廣文卽謝枉顧

爲憫忠良作。國殤拚將熱血鑄文章。救民志切渠期剪。

報

主情深身竟忘遺臭。當時生亦媿。稱名沒世死尤香。詩成似玉

初離璞。要借磨礱發寶光。

無瑕白璧兩完人。寅共東陽秉鐸親。辭吐六經宗往哲。家

承半部仰名臣。恬波宦海安官冷。有脚仁風到處春。元氣

同培維 國脉豈惟後學得梁津

太史公一部史記全於報任少卿書中和盤托出 先

生采風之心亦於此詩中和盤托出 許寶謙注

留贈泰興縣胡燮堂 容本 司馬卽謝枏顧

偶過東陽郡 桃花滿縣紅 宰非潘岳令人是 楚賓翁 唐胡

右丞高宗愛其文以金銀 杯酌酒飲之文成輒賜焉 豈特文章重 還欽武畧雄 籌軍

兼轉餉 督掃賊氛空

泰伯古遺封 循良化易從 民醕風禮讓 官好俗義農 每有

平反獄 都存父母胸 皇天應厭亂 快雨洗兵凶 連日 快雨

採風詩二集 卷六 去

沉雄氣疏以達 許寶謙注

贈常永泉海都閩 滿洲人

東陽南接大江濱 賴有將軍細柳軍 膽落邊人威望重 堵

安亦子夢魂欣 卅年奏捷宗宏毅 額亦都滿洲鑲黃旗人 弱冠從征討數十年攻

城野戰水營挫劔功至 一等大臣封宏毅公 百戰無前繼 武勳 揚古利正黃旗 人弱冠從軍衛

鋒挫銳大小百餘戰 功勳最著封武勳王 授鉞若教鐵醜類 從公磨盾尚能文

知古通今卓然詩史 許寶謙注

留贈羅清和 本盛 少尉 浙江人 卽謝枏顧

一錢不選品如何 縱飲貪泉性不磨 官小心能答 明聖

載道與歌父老賡知公政教得民情更培元氣金甌固重

鑄民風鐵甕成時京口初復踵接蔡洗維國脉蔡洗昔

大旱民築陂瀦水灌漑漕可傲郡決之洗不從民寇除鄧

歌日我滿我水以灌以溉俾我不奪蔡公是賴

茂振家聲金宗瀚剛果有智畧任司寇執法江山第一資

屏障京口北固山為殘孽還期悉削平

班超未肯作書生憂樂關通天下情豈特榘楠培國士

碎見公館紳民所頌德政惠育士直期水火拯編氓軍籌

牌傘不一而足又創建襟江書院陣法不始黃帝天文房度

紀律嚴三令陣法精排術八營十二星內四居中八圍其

外以象八營黃帝衍作五陣名握奇詠鹿一戰以斬蚩尤

太公五門又增三才武侯又列入行為魚復平沙壘石為

探風詩二集 卷六 五

二十四聚至李靖則九軍變為六花方陣內圓外方圓陣

內外皆圓變化不測又在人巧天工運用一心乃為決勝

之兵豈特金焦人共賴東陽民亦倚長城先生初出山即下

至今民猶愛蔭

真切質而不俚風雅之遺秦文伯

泰輿留贈徐仰齋兆鴻博士

丈夫不逢時從事於文字思傳身後名無乃非初志小時

慣塗鴉至老不能置必欲仿古人土偶少生氣如婢學夫

人效顰無半致我自育性情我自育智慧直據真我真嘔

出心肝肺葩經三百篇源頭一水匯楚駭發孤忠樂章贏

漢魏唐宋泊六朝如流各分派。傷孟着衣冠。面失交臂。惟此忠孝心。萬古不可易。所貴載道文。讀之人感喟。憶自壬子來。采風遍關塞。卷編大牛腰。賣文鳩梓費。劍不遇張華。虹氣空炳蔚。誰從燕雀中。而辨鳳凰嘯。何幸來東陽。忽晤南州裔。善良薰鄉鄰。德馨逾蘭蕙。董勸更可風。老成人共愛。督修書院成。襟江書院人目奚斯輩。荷蒙青眼開。賞我風塵外。典冊媿高文。體兼衆妙備。一一謬品評。翻令我增愧。爲我腋集裘。說項遍同類。晚年得知已。遺遺如身貴。想其古誼高。衆山小華岱。感激成五言。聊當投桃餽。

採風詩二集

卷六

二十六

偉論多名言。洋洋灑灑。許寶謙注

古質。梁小廉

泰興留贈何柳微。潤第司馬

積善皇天必降祥。知公陰德滿東陽。能援水火推仁術。憤

救飢寒湧熱腸。一路福星泥首拜。萬家生佛口碑揚。先生每於

荒歉施衣施粥。凡我來富貴花時節。要借薰風放古香。

有其人不可無其詩。以旌之。先生一字榮於華衮。許寶謙注

泰興訪蔣小洲。博士不值。次日見訪。卽贈。

滿庭蘭桂樹交枝。中有詩人蔣敬之。敬之爲謹身殿大學士時論有古大臣風

靜地乍來捐躁意。好花半放蘊幽姿。門無俗客千秋著。家有奇書二酉披。今喜接談離緒解。牢騷不作問天詞。

清微婉妙 許寶謙

地七字雋極非偽工所知 梁小廉

泰興留贈孫喬甫 遷遠博士

忽驚光怪罨燈花。搜出文章五朶霞。時以見題長古奇存寓中寓中人不知收置何處余亦未之知也時余遊黃橋十日又仍然同泰興舊寓燈下忽搜得詩筒乃知是見題大箸始信璧終歸趙氏那容劍不遇張華嘔心妙句肱三折冠古奇才手八叉安得盾磨書露布稱藩從此過流沙。

採風詩二集

卷六

三

清超句自在流出 梁小廉

支解嘆 弔湖州歸安貢生沈玉荅罵賊爲賊寸裂

死

吁嗟乎天柱傾兮地維折。忠臣烈士悲蒼節。一死何妨志不奪。光耀日星氣壯河嶽君不見當年周顛罵王敦。從口到耳割流血。事與完顏血口同慘怛。又不見今之沈耄者。沈八十餘粵賊竄其家索金 賊竄其家索貨寶。咸豐十一年五月 以繩倒懸嚴詢拷沈公大罵賊髮指。旣斷其舌復鑿其齒翁不能言目猶怒視賊更挖其睛寸寸肉之無完體噫嘻吁。泉鄉罵賊

志不屈鈎舌解肉縛以索顏杲卿為常山太守城陷被執

節解鈎李貞罵賊衣盡剝倒懸於樹斷其舌明史李自成

陝縣李貞罵賊自成斷其舌按麻城又攻

一哭乃知一菴先生教澤深至死不變聖賢心唐樞為歸

靖進士刑部主事深造自得教許寶謙注

筆灑熱淚悽然不忍卒讀許寶謙注

真宰上訴天應泣梁小廉

菱湖嘆 弔湖州歸安縣姚烈女及其母章氏死節

戰場花放紅榴盛兵火慘壓菱湖鎮咸豐十一年五月二

採風詩二集

卷六

溪東南即古陵破塘殺人如麻屍成堆恣睢姦淫不可問

就中有女名純姐姚崇家風父儒者女為道光丙午副貢

幼爛詩禮天翻地覆無地容肝腸寸烈淚如瀉欲死戀慈

親不死懼辱身捨親拚一死倉猝理能明雪溪河水蒼溪

合中有金龍大王血金龍四大王謝緒悲晉失於元義憤

投蒼溪而死焉書溪源出天目山合

阿娘不忍嬌女死投河負女負不起那堪賊更拋以戈母

女同作黃泉鬼賊退尋屍流里許女屍不僕立如柱母屍

亦在女屍旁人認屍負曹娥江江名曹娥因負父屍得名

余有七古載采風遊勘卷

吁嗟乎千載一時俄頃事。幾多鬢眉少見地。不謂姚家弱
女兒。乃能舍生而取義。太息濡毫一悲歌。聊當松楸立碑
志。更聞悞辱死者巾。悵多數千婦女傷。如何名姓不知痛
湮沒。令我空洒淚滂沱。

有功名教之事。有功名教之言。許寶謙

願以此詩勒諸貞珉。使烈女之節。先生之詩。同垂不朽。
梁小廉

同治元年孟夏泰興留別徐荷齋

兆鴻

博士哲嗣徵

門前堤柳叫鉤輞。似聽人來奇字求。天下故多需俊傑。軍

採風詩二集

卷六

三

中檄草待枚鄒。閒居詎了吾儕事。靜養且勤天爵修。安得
有才若諸葛。定邀走馬薦安劉。

推轂頗勞說項斯。纏綿情緒比抽絲。荷齋縣總董義舉多

相逢竟承推心置腹廣為嘘。植端余初遇泰興許水

鳩金以饋梓費真古道。照人也今朝七椀枯腸潤來日進

魚赤手掙時逸玉波館茗戰並承手扎薦往口岸君為憐才慣投轄。我緣惜

別合留詩何時再問崇川渡。記取東陽有故知。
許寶謙

詩品清超興致纏綿。王保昌

詩律細密氣韻備然。久客泰興丁孟吉巡尉士榮陸筠巢炳榮馮來軒以

諸幕賓見訪長句寄贈兼柬胡燮堂司馬公子胡
芸臺

待時都作吏循良。且俛侯門彈鋏狂。公等留侯攜抱負居

停司馬仗助勤。時皆任幕胡燮堂司馬署中。寬伸海底人心快。餉助軍

中兵氣揚。餘事吟聯皆是律。豈惟報國有文章。

道行何必遜專城。難得同鄉又共盟。皆折省人職比司徒籌國

賦。檄誅醜類勝軍兵。傳人原不拘當路。抱器終期享大烹。

笑我耽詩空有癖。如珠常在掌中擎。

深情若揭雅韻欲流 許寶謙注

採風詩二集

卷六

二函

附錄陸筠巢次韻

敢誇筆墨自精良。斧學班門喜欲狂。飄泊風塵愧我拙

扶持名教賴君勸。放翁世澤凋零甚。姓輩被難 不知存亡湯悅家

聲中外揚何幸。萍踪天作合。古延官舍讀佳章。

漫言五字作長城。立幟騷壇久主盟。古剎暫留因訪友

異鄉偶聚爲遭兵。采風詞妙千秋業。指日恩榮五鼎

烹名以詩傳同不朽。梓金莫謂衆人擎。

泰輿題壁

又覽民風過古延。農桑兩業羨能全。纒絲婦女忘聯手。挑

糞丁男肯息肩余每過城市衢巷多見婦女煮蘭抽繻園

織尤多是年郊隴麥高丁拾糞上田不一而足其他荒村僻埜

數尺作苦槩可想見士習有人端禮教生靈無物不矜

憐放生魚子戒食牛犬肉沿街貼勸施愚山先生謂凡魚

既死將子輕輕取出切勿損壞勿經鹽水攤放稻草把

上俟其水迹畧乾即放於河中恐為物所食須淺埋之水

際淤泥中但不可離水物命之多放生之易無過魚子又

法將魚子用乾鬆細泥拌裹晒暖放好自秋後及春四月

望後放於河灘水草中無不全活四五月份正魚子生育

之時用乾土拌放常為日光所照半月即生仁人推恩更

君子有惻隱之心者請依法行之陰德無量焉推恩更

及瘡痍鬼千萬遊魂感九泉大小人家各買箔摺銀送城

被兵鬼魂卅年湖海浪遊觀萬里都忘行路難好水佳山人意爽茂

採風詩二集卷六

林豐艸烏聲歡壯心不已親劍蒿目常憂欲據鞏聞到

姑蘇城喜復幾家巢卵可曾完三吳舊友甚樂

如讀風土記如補輔軒詩許寶謙注

端午前丁孟吉陸筠巢兩幕竇見訪兼承以糕餅茗

粽見饒鳴謝

枯腸豈特潤含膏茗 養粉糕 蕪香粽 耐老饗期我取明多

益智劉高祖有益智粽交州刺史張津 祝君品德總能高

諺謂糕之義取能高也 包容不使孤稜露角 飽啖還同及第遭用紅

事錦米糕餅糕餅 羅胸塵肺洗茗 采風從此興逾豪

無所不有大家異於名家 許寶謙注

瑣碎寫來無不人妙 梁小廉

泰輿端午 同治元年

憶昨牛山麥上場。去年今日在家鄉。兒孫繞膝蒲觴飲。長
筵相四十有五矣。次兒延梓年四十三兒廷楨二十。夫媪
有七孫五九光九陽九璽九炳九天曾孫永銓幼。齊眉角黍嘗。
余初度七十有六老妻 獻瑞榴花紅解語忘 東氏亦七十有五矣 憂萱草綠含香。客中此刻腸堪斷。愁看他人返旆忙。寓中 多有

東裝還家 過節者

風神諧暢 許寶謙注

採風詩二集 卷六

三

幽情婉思工雅絕綸 丁仲平注

前六句極寫家園之樂。收句便覺神傷 梁小廉

高孝子 年十一歲母病到股名克和 錢塘程子壬海珊有徵詩啟

身體髮膚親遺我。親病何啻身在火。兒肉苟可活我親。違
惜操刀割瑣瑣。此孝成人當世希。況乃童子救慈幃。君不
見。明聖湖水清。且秀間氣靈鍾童而幼。參苓莫療母病沉。
呼天號泣無方救。愚誠忽出奇。方奇操刀遂向股肉割。一
割再割血淋漓。煮湯進母母病醫。母問此肉何處市。笑答
一鬻市止此瘡。庖旋合母亦起。路人。都稱高孝子。吁嗟乎

七寸刃含天地慈。中有鬼神呵護之。世有廢儒愚孝。例身不孝。紛紛議試觀當代。血膏原野。身爲

君親義取生捨。豈盡是愚忠愚孝者。

翻盡一層。乃是平情之論。文伯

讀之使人孝弟之心油然而生。此事本足感人。然非此

詩亦不傳其妙。梁小廉

海州留贈李象春世弟

瘳花才子筆花生。不愧家風李賀名。旨遠言同瓊玉重。君

克敬大子哲嗣。品高味比醴泉清。如何蹄屈駙千里。終看龍騰雷

採風詩集卷六

一聲好檢青箱時。且待天回劫運兆昌明。注見前卷

春蘭秋菊各極其妍。許寶謙

秦州留贈包子瓊國璉觀察卽送之任

黃河比笑是家聲。正直聰明與水盟。頻眺寰中心感慨。掃

除天下志澄清。大丈夫當掃除天下陳蕃語筆籌虎豹韜鈴。勝餉助鹹

醴會計平。時理離務觀察待公旌旆擁。花封還去謁韓荆。

慷慨氣亦雄渾。許寶謙

留贈汪伯符本鈔使君時督辦鎮泰團練總局常州人

毘陵名士海陵來。戎馬倉皇急試才。保甲互聯超軌里。庄

丁團練縛渠魁。倘教兩葉除萌蘖。粵匪烏合之始。不過數百人。掃除易耳。今則
尾大不掉。兵書所謂。兩葉不去。將用斧柯。何至羣麼釀禍胎。用武英雄今有地。
仗公薈筆比鄒枚。

氣機流轉。議論縱橫。老杜始有此境界。許寶謙注

留贈余澄甫 昌字 參軍 時司武 陽水師

入山擒虎壑擒蛟。不使牽考恩孫。大海逃孫武。水師攻背。
水田宏韜略。勝戎韜。今朝翦寇馳飛騎。他日專城擁節旄。
堪將參軍鮑明遠。詩開王霜有霜毫。澄甫 工詩

呵成一氣機暢神流 許寶謙注

採風詩二集

卷六

天

留贈泰州陳硯香 文田 進士

干戈擾攘用才時。高卧如何起尚遲。北海鯤鵬欣化早。南
州冠冕有爲期。中樞策本書生事。露布文非武士知。投筆
不緣侯萬里。

國警誓掃報

用堀

不妄抒詞深於激。勸是先生情深處。許寶謙注

泰州送黃琴川 涇 祥 太守之官 時司糧臺

萬營轉餉仗雄才。朝食先期減禍胎。腹裏古今猷克壯。無

古今匹夫勇唐書宣禁中頗牧峇全岐宗語木牛此日軍儲運

耳狄青傳唐書宣銅虎他時政教開待看侯封榮宗語

陟家聲黃霸治功推昔黃霸為潁川太守治化推天下第一後封關內侯

食古入化運用無迹誠傳神手也許寶謙注

泰興曹子勤元成茂才邀欵雨香樓茶話留贈兼柬

其居停吳君瑤舟

待時且自勵躬修我亦名場困白頭花好何愁香不吐稼
良或恐晚方收聰明有用因循誤身世無窮責任周否極
自應來泰運輸贏試看局終不改改用放翁句

採風詩二集 卷六 五

謾勞邀我兩香樓王液澆開萬古愁疏淪性靈淨渣滓濯
滯肺腑好吟謳我懶咳嗽九天落人訝珠璣一弗留聞到
五山花柳盛吳剛可許一同遊

不忘規勸深得古人賦詩之旨許寶謙注

名士風流梁小廉

泰興留贈唐如南壽昌靜山昆玉朱章甫煥孫嘯山

寅曹子勤卜山祖孫般榭堂杜五諸君

我有吟癖苦無題蘧廬蠅伏殊堪嗤頻年戢影漁樵溷班
同窺管海測蠡興來浪跡遍中外好山好水評以詩困之

得交天下士。文章細論言。惔惔乃知胸。中有造化筆。墨之外。有文辭。自忖揚子笑。覆瓿長者過。愛勸災梨已。刊詩板存白。下痛毀兵燹。心如糜。今復編成付剞劂。集裘又欲揀孤皮。泊舟偶繫東陽渡。連朝雨阻仙堂羈。牢騷未免墮胸。魄。晤言自寫語。同誰山喜出頭雲。開霽貴來過訪。幾心知。抗慨論交吐懷抱。揚眉頓解離愁絲。一為東園公賢裔。唐為四皓。君大父定軒南朝人望心久儀。乃祖廣文昔秉鐸。公廣文昔振鐸素。手培桃李今瓊枝。金昆玉友賢競爽。家風忠諤人同興。宋唐介子方立朝忠諤推會論利害以服邊陲。一為朱翥章甫紫陽家。學賢共

採風詩二集

卷六

希四九知非蓮伯玉。五十當貴今其時。膝下五株燕山桂。

一門濟濟才都奇。一為嘯山今孫忭。人羨剛方能獨特。孫

官參知政事會勃罷此去連步瀛洲上。金臺印是青雲梯。夢

宰相梁適陳宜中嘯山將於上海搭夷人。火輪船航海赴京兆。試殷曹三君年更富。惜燈須下董子

帷。殷侑仁慈有家法。唐殷角為義昌軍節曹彬清正尤堪

師曹武惠詔拜西川使。平蜀子女。諸君年齒雖不一。具有

救民匡世思。方今于戈擾攘需才急。三寸何用攜毛錐。龍

泉未許匣中隱。驪珠終耀。朝堂輝臨別贈言。有深意不

是尋常留別詞。隔年紅杏春光好。覓巢還共燕來飛。二集如古

峻尙期
後會

渾灝流轉力大於身

許寶謙注

雄傑之氣溢於行間

王保昌

張烈婦

甲程梅垞

莘田

廣文元配張夫人罵賊重

傷死

子規濠上紅啼血。中有烈婦貞魂魄。烈婦夫程學博。繁昌孝廉。鳳陽秉鐸。癸丑四月廿一日。紅巾突來破城。入夫人罵賊口不絕。賊怒向婦短刀劈。侍兒勸婦泥首求。夫人罵愈烈。連呼叛賊天必殺。賊退夫人仆地歿。吁嗟乎古有陳

採風詩集

卷六

三

烈婦捐軀於崖不受辱。今有程夫人罵賊殞其身。問是巾幗中完人作詩銘之激勸存。

音節入古 許寶謙注

生氣勃發古音珍然 梁小簾

九華山

弔戴九如鎮撫九華山從吉中丞虎營劄

匪陣亡

九如通州泰興人諱天保中式道光丁酉科武舉甲辰會試挑選二等分發江南督標以千總用咸豐元年補松江提標中營千總二年十二月調防九江介下巢湖等處接仗保奏記名守備仍調松江本營守備賞戴翎六年鎮江九華山虎將軍坤元被囚九如從吉撫憲往接在橋家門日付

草留環轍。輾車輪。又往黃橋訪德鄰。嬉笑海西一遺老。被
人呼作采風臣。

路經古剎額重新。香火千秋重漢臣。四片十五略經芝麻
數重新能供關帝聖

像我愛寺前銀杏樹。綠雲濃蔭往來人。寺門曰葉樹
千年物也

夙耳聲華久矣夫。吉夫金士吉俞兩醜儒。懸知門市中心

水。順典出官鐵板銅琶唱大蘇。二君爲公
順典出官

攜來徐庶一隻魚。時以徐庶齋
手信藉呈寶脫文章爲辨書。冥漢有

知悲喜集。幽光得發仗吹噓。

自然方雅此詣未易遽到。許寶謙注

採風詩二集 卷六

儻然無塵。梁小廉

黃橋侯壯圖。萬里博士見訪

昨晤東陽徐孺子。道君品學與爲人。是品芝蘭氣味清超俗。血

性文章老益醇。守政倘教纂家政。侯君房霸官大司徒
公守政封關內侯救

民肯自負天民狂。鯨何日網無漏。旗鼓頻播捷有神。

香山長慶集中擅長之技。許寶謙注

黃橋留贈尹穀詒。高典詒昆仲

三鳳才名萃一門。尹珍家學五經尊。尹道真五經學成極
帝時以經術選用歷

尚書承耶。我緣褒烈頻書事。人笑防嘲不草元。裘集羣狐高言

重書傳。護經素心敦。謂以徐菊齋神交別有情。千古歎浴

豈關在問存。時訪不值

詩品清招。許寶謙

四月十八雨阻黃橋留贈陳縵卿。慶雲 巡尉 順天人

三日一雨兩日晴。隴頭添得麥浪盈。五日一風十日雨。皇

天厭亂洗兵旅。我時雨留孤館羈。樓頭聽雨喜催詩。時寓 陳氏

客不古不今寫。真我毫濡簷溜何淋漓。平生慣作懷人句。

越遇奇人詩越奇。我有故人丁孝公。鶴又有詩侶羅江東。

兩君贈我一雙鯉。謂丁孟吉羅 清和兩君攜訪子昂為文宗。陳子昂 歷

採風詩二集 卷六 三

官右拾遺唐興文章承徐庾餘風子昂始變雅正 初為感遇詩三十八章王適曰是必為海內文宗子昂詩

學歸雅正徐東餘風一掃淨。乃知胸有一斗血。中有挾持

能握筆一字鏤生金。萬口都叫絕。今喜登龍一識荆。知公

愛士眼逾青。枳林不妨暫棲鳳。小鳴已令庸流驚。我更羨

君不僅此英雄。懷抱風雲起。願君密贊中樞策。掃除天下

障紅日。鳴者曰大丈夫當掃 除天下安事一空不惟磨盾成檄文。九天唾咳

鏗雅音。一時鏡鼓當凱奏。有句都繡弓衣新。

君雙言一雪成功返寄我一冊焚否吟。

沉着處是甘苦自得之言。高梅溪

六月下浣潼陽留贈田樸存學泰刺史時奉委

勤勞

上事不遑棲深望關息鼓聲一片丹心酬

主滿腔熱血灑羣黎五兮待聽農人頌七伐且籌軍士齊唐書

田仁會為平州刺史民歌五分云父母古我今田使君挺精神今上大聞中田致雨今山出雲倉廩實今禮義中願公常住兮不患貧指日三刀舒偉抱田單威望服羌西

語凝重韵亦清許寶謙注

潼陽留贈縣宰蔣海波慈勳司馬

吾鄉百里隔花封縣距牛山九十里久聽輿歌輒仰公想見保民

探風詩二集 卷六 壹

如赤子不惟報

國有丹衷城完衆志驅風鶴昔章富為金州指揮完城設柵而賊畏遁今沐築土城甚堅似

之塗滿餘糧飽澤鴻好約龔田雨刺史謂龔變卿田樸存兩公同籌

兵餉助成功現在賊首四眼狗已授首矣曾制軍克復江南數十城池大兵屯南京雨花臺上殘孽可

指日削平

水到渠成詩中化工許寶謙注

沐陽東關貨殖諸君智立壽趙福昌義昌大有公和

典允成元成天美寶泉永興錦成廣仁廣太文成

東裕和西裕和興順乾太景記李寶堂仗助梓金

付刊采風詩集留贈

諸君不鄙尾焦琴青眼勞開重士林共感孤忠殲

國賊羣欽偉烈報

君心魚鹽膠鬲上聲升高位貨殖陶朱累上聲萬金從古名賢多市隱上聲

云闕上聲闕少知音

十室之邑有忠信十步之澤有香草世槩以巾幗之
眞皮相耳高梅溪

